

MINISTERIO DA PRESIDENCIA

18668 *CORRECCIÓN de erros do Real decreto 864/2001, do 20 de xullo, polo que se aproba o Regulamento de execución da Lei orgánica 4/2000, do 11 de xaneiro, sobre dereitos e liberdades dos estranxeiros en España e a súa integración social, reformada pola Lei orgánica 8/2000, do 22 de decembro. («BOE» 240, do 6-10-2001.)*

Advertidos erros no texto do Real decreto 864/2001, do 20 de xullo, polo que se aproba o Regulamento de execución da Lei orgánica 4/2000, do 11 de xaneiro, sobre dereitos e liberdades dos estranxeiros en España e a súa integración social, reformada pola Lei orgánica 8/2000, do 22 de decembro, publicado no «Boletín Oficial del Estado», suplemento en lingua galega número 12, do 16 de agosto de 2001, procédese a efectuar as oportunas modificacións:

Páxina 824, no título do regulamento, onde di: «... de xaneiro, reformada pola Lei orgánica 8/2000, do 22 de decembro, sobre dereitos e liberdades dos estranxeiros en España e a súa integración social», debe dicir: «... de xaneiro, sobre dereitos e liberdades dos estranxeiros en España e a súa integración social. Reformada pola Lei orgánica 8/2000, do 22 de decembro».

Páxina 826. No artigo 7, número 1, letra c), onde di: «... no número 7 do artigo 89», debe dicir: «... no número 6 do artigo 89».

Páxina 827. No artigo 9, número 2, primeiro parágrafo, onde di: «... da oferta de traballo, de...», debe dicir: «... da oferta de emprego, de...».

Páxina 828. No artigo 11, número 1, letra g), onde di: «... co número 7 do artigo 89», debe dicir: «... co número 6 do artigo 89».

Páxina 829. No artigo 14, número 1, primeiro parágrafo, onde di: «... copia, no prazo dun mes, da petición...», debe dicir: «... copia, en prazo, da petición...».

Páxina 829. No artigo 14, número 3, primeiro parágrafo, onde di: «... da oferta ou contrato de traballo...», debe dicir: «... da oferta de emprego ou contrato de traballo...».

Páxina 829. No artigo 14, número 3, segundo parágrafo, onde di: «... no número 7 do artigo 89...», debe dicir: «... no número 6 do artigo 89...».

Páxina 836. No artigo 42, número 1, primeiro parágrafo, onde di: «... sempre que as saídas correspondentes non se realizasen de forma irregular, e non afectando á dita continuidade...», debe dicir: «... non afectando á devandita continuidade, sempre que as saídas correspondentes non se realizasen de forma irregular...».

Páxina 840. No artigo 50, número 2, onde di: «... permiso de residencia por circunstancias excepcionais...», debe dicir: «... permiso de residencia temporal por circunstancias excepcionais...».

Páxina 840. No artigo 51, número 1, onde di: «... permisos de residencia por circunstancias excepcionais...», debe dicir: «... permisos de residencia temporal por circunstancias excepcionais...».

Páxina 840. No artigo 51, número 4, onde di: «... permiso de residencia por circunstancias excepcionais...», debe dicir: «... permiso de residencia temporal por circunstancias excepcionais...».

Páxina 842. No artigo 56, número 4, segundo parágrafo, onde di: «... permiso de residencia por circunstancias excepcionais, eximirase...», debe dicir: «... permiso de residencia temporal por circunstancias excepcionais, eximirase...».

Páxina 842. No artigo 56, número 10, onde di: «... na sección 20 de...», debe dicir: «... na sección 2.^a de...».

Páxina 854. No artigo 83, número 3, onde di: «... funcional da dita oficina da área ou...», debe dicir: «... funcional do director da área ou...».

Páxina 857. No artigo 91, subnúmero 2.1, letra d), onde di: «... navegación de cabotaxe insular», debe dicir: «... navegación de cabotaxe tanto peninsular como insular».

Páxina 868. No artigo 140, número 1, onde di: «... en materia de estranxeiría no ámbito...», debe dicir: «... en materia de estranxeiría e inmigración no ámbito...».

Páxina 869. No artigo 142, número 1, letra a), onde di: «... polos ditos servicios policiais», debe dicir: «... polos servicios policiais das propias oficinas».

Páxina 869. No artigo 143, número 5, onde di: «... será nomeado e cesado polo subsecretario de Administracións Públicas, por proposta conxunta dos ministerios do Interior e de Traballo e Asuntos Sociais, polo procedemento de libre designación, entre...», debe dicir: «... será nomeado, polo sistema de libre designación, e cesado, se é o caso, polo subsecretario de Administracións Públicas, por proposta conxunta dos ministerios do Interior e de Traballo e Asuntos Sociais, entre...».

Páxina 870. Na disposición adicional sexta, onde di: «... de Traballo e Asuntos Sociais, con base no...», debe dicir: «... de Traballo e Asuntos Sociais, os delegados do Goberno e subdelegados do Goberno baixo a dependencia funcional destes dous últimos ministerios, con base no...».

MINISTERIO DE DEFENSA

18896 *REAL DECRETO 1064/2001, do 28 de setembro, polo que se aproba o Regulamento de avaliacións e ascensos do persoal militar profesional. («BOE» 244, do 11-10-2001.)*

A Lei 17/1999, do 18 de maio, de réxime do persoal das Forzas Armadas, en diante a lei, establece como un dos seus obxectivos asegurar que os exércitos dispoñan dos mellores profesionais nos empregos máis elevados de cada escala, coas aptitudes e idades axeitadas, para conseguirla máxima eficacia das Forzas Armadas, así como do persoal capacitado para desempeñar os labores dos diferentes postos da organización militar.

Precisar quen son os máis capacitados require o uso de procedementos que permitan identificar e cuantificarlo mérito, a capacidade, a preparación e a dedicación de cada un dos seus compoñentes. Iso lógrase por medio das avaliacións que, aplicadas con carácter xeral, permiten determina-la aptitude para o ascenso ó emprego superior, a idoneidade para o desempeño de distintos labores, a selección de concorrentes a determinados cursos de capacitación, as facultades profesionais e psicolóxicas e, no caso particular dos militares de complemento e dos militares profesionais de tropa e mariñeiría unha relación de servicios de carácter temporal, comprobar que satisfán os requisitos establecidos para a concesión de novos compromisos ou para a resolución do que tivesen.

Así mesmo, tamén requirirá ser avaliado o militar profesional de tropa e mariñeiría que pretenda acceder a unha relación de servicios de carácter permanente.

A Lei 17/1999, do 18 de maio, especifica os órganos encargados de efectuar as avaliacións e, neste sentido, concreta que salvo as relativas ó ascenso a xeneral de brigada/contralmirante ou que afecten á categoría de